



Aqqalu C. Jerimiassen

UKA 2025/8-1

Atassut

25. September 2025

Inatsisartut ilasissutitut aningaasaliissutainut inatsissaannu siunnersuut 2024.

Aningaasaqarnermut Akileraartarnermullu Naalakkersuisoq

Ilasissutitut aningaasaliissutaasimasut ukiup siulianeersut nikisissinnaasanngilagut, taamaattorli aningaasanut inatsisissatta suliarineqalernerit tamaasa taassuma qanoq kinguneqarsimanera malillugu narlorissaanerit ingerlajuartarput.

Maannalu 2024-imut ilasissutaasimasut qiviaraanni, oqartareernitsituut ukiut siuliini, uggornartarpoq aningaasanut inatsisiseqareerluta taamarsuaq nussueqqittarneq ilasissutinillu pisariaqartitsilertuarterneq.

Atassummiilli paasisinnaalluarparput suliasat ilai pisariaqavittartut aningaasalerneqartariaqartarneri ilaatigut, tamatiguujuaannartariaqanngilarli.

Atassummiillu kingumut eqqaasitsissutigeqqikkumavarput Naalakkersuisunut, nunatta karsia tamatta inuiaqatigiittut pingaarput, paarilluagassaavorlu peqqissaartumik suliaralugu.

Neriuppugullu taamaattumik ukioq manna uani ataatsimiinnermi aappaagumut aningaasanut inatsisissaq suliarisarput taamarsuaq nutserinernik annertutigisunik malitseqassanngitsoq.

Missitigutaasimasummi millionerpassuusut atorlugit nikisiterneqarsimasut saqqummiussisummi naalakkersuisut ist-mut is-imullu oqaatigaat.

Pisut pereerput, maanna akisussaaffilimmik neriulluta allannguuteqartitsisinnaajumaarluta Atassummiit kukkunersiunerimut ataatsimiitsitaliamut siunnersuut innersuupparput.